



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Sponsalia.

[urn:nbn:de:hbz:466:1-72898](#)

parte eius qui cum Officiali contraxit societatem veram vel simulatam, fuisse iniustus, vel etiā vsurarius. Nam qui accepta pecunia ab usurario gravatur usuraria, potest statim cedere contractu in aliū id potenter, numerata illi sorte accepta, & translato in illum onere soluendi usuraria: nihil enim ipse lucratur, nec alteri mutuat sub usura, sicut fecit usurarius cum ipso, sed cedit contractu cum usurario inito, petente id altero.

Si tamē census personales istis locis nullo modo sunt permissi, res est difficilior, nec volo tales contractus excusare. Alterum de hac materia Casu*m* vide infra V. Usura Cas. vlt.

S P O N S A L I A .

C A S V S . I.

Titius adolescentis Antuerpiensis multas virginines paris conditionis sub scila promissione coniugii corruptit in Anglia & alibi.

Q V E R I T V R , Quam tenetur ducere: & ad quid tenetur?

*D*ico Primō, Tenetur ducere primam, si ipsa fraudem aduertere nullo modo poterat. Secundam vel tertiam ducere non tenetur: quia etiamsi scila promissio fuisse & iuramento confirmata, irrita esset, cū iam sit prima obstricetus: nō enim poterat cum iniuria prima validē promittere secundam vel tertiam. Vnde sequitur, etiamsi contingat illum cum prima transfigere, tamen non teneri ad secundam. Sicut qui scilicet cum duabus contraxit sponsalia, non obligatur secundo contractu, etiamsi transfigat cum prima: eo quod contractus secundus ab initio irritus fuit, qui non conualescit per illam transactionem.

*S*econdam, si prima aduertitur, & sic deinceps.

Dico Secundō, Si prima potuit facilē aduertere subesse fraudem, tenetur ducere secundam, nisi & hæc idiolum aduertere potuerit: tunc enim tenetur ducere tertiam, & sic deinceps. Ratio est, quia ex contractu & commercio cum prima, non fuit orta obligatio, ac proinde manifit liber, & sic potuit se obstringere secundum &c.

Dico Tertiō, Eo casu quo tenetur ducere primam, tenetur ceteris de damno, si quod secutum fuerit occasione huius facta promissionis. Hoc enim locum habet in omni contractu. Nam qui mala fide init aliquem contractum cum aliquo, si non impletat, tenetur de damno inde secuto. Si nullum damnum secutum est, vt si æquè benè nupfit, si Religionem ingressa est, si cibem vitam ducere statuit, denique si res secreta manifit, non videtur ad ullam restitutionem teneri, sed solū ad aliquam satisfactionem pro iniuria. Non videtur autem damnum secutum, nisi quando à ditioribus & honestioribus ob hanc causam rejicitur, qui cam alias libentur accepissent. Vel nisi grauia incommoda ob hanc causam à marito, qui postea id reprehendit, perferre cogatur. Vel denique nisi proles secuta sit: hanc enim pater aere tenetur vñ cum matre. Presumetur autem esse proles ipsius, si tempus respondeat, nisi constet eam alij corpus suum vulgasse. Presumitur enim non violasse fidem datam, nisi de contrario constet, &c.

Dico Quartō, In dubio tenetur inquirere eo modo quo potest & debet fieri in re magni momenti, an damnum secutum sit: & si quid reprehensum sit, compensare pro sua facultate. Quia

omne damnum iniuste datum, compensandum, quantum fieri potest.

Dico Quintō, Sunt aliquot causæ quæ possent prædictum adolescentem excusare ne vel teneatur ducere, vel damnum compensare. Primo, Si *cibus non* illa virgines facilē aduertere vel suspicari potuerunt fraudem subesse. Tunc enim neque tenetur ducere, neque damnum compensare: quia eas non decepit, neque causa damni fuit per iniuriam, sed *ipsi consentientibus.*

Secundō, Si sit heretica: tunc enim non tenetur ducere, nisi velit fieri Catholica: Nec etiam tenetur damnum compensare: Quia hoc ipso quo excusatur a illa ducenda ex culpa illius, excusat

ur etiam à damno sarcendo.

Tertiō, Si fornicata sit postea: imo si antē fornicata est, & ipse id ignorauit quando cum illa co-traxit. Quia hoc satis est ad scira sponsalia, etiam iurata dirimenda: & ipsa cogitare debebat quod ei fidē nō esset seruatur si hoc resciseret. Vnde nec tenetur damnum compensare.

Quarto, Si parentis pueræ nolit eam dare. Quo casu etiam non tenetur compensare.

Quinto, Si facultates non sufficiunt ad damnum compensandum, & singulis solū modicum quid restituere possit, quod non sit tanti momenti ut prudentis arbitrio ad illas regiones sit mitredum, aut ulterior inquisitio facienda: tunc enim non tenetur de damno ob impossibilitatem.

Sextō, Perpendendum etiam an non cum manifesto periculo animæ esset redditurus, v.g. in Angliam, ut primam, vel secundam ducat: tunc enim non teneretur eo ire.

Septimō, Si illa vocata nollet venire Antuerpiam; quia tenetur sequi sponsum, nisi contrarium in contractu expressum sit, præsertim cū sciret illum esse externum. Itaque si vocata nolit venire, maner liber ab ea ducenda, & etiam à damni compensatione. Posset hac ratione etiam vt cum alijs quas non tenetur ducere, vel cum parentibus earum. Videndum tamen an non promiserit se rediturum, & eam ibi ducendum &c.

Ex his colligi potest quid fieri possit in præsenti casu. Mirandum non est si in præxi hic casus sit difficilis, nec facilē tales adolescentes extricari possint: quia damna multiplicia sunt, & fraudes obligationesque varia.

C A S V S . II.

Quidam adolescentis nobilis 17. vel 18. annorum sub Curatoribus constitutus, cū ageret Parisijs, incidit in quandam mulierculam, nisi te que ita suis blanditijs & amoribus illum sibi ducamus obstrinxit, vt schedulam ab eo extorserit, in qua scriptis se ab ea mutuo accepisse mille quingentos aureos gallicos, illi restituendos, nisi eam in uxorem ducere.

Q V E R I T V R , Virum ratione illius schedule aliquid in conscientia ei debetur, aut in foro externo aliquid ab eo posse exigi?

R Espondeo Primō, Certum est Nobilem illum Adolescentem in foro conscientiae ad nihil teneri: quia fundamentum totum falsum est. Dicitur enim debere ex mutuo, cū non solū nullum ab ea pecuniam mutuam accepit, sed multas & profulas largitiones in eam fecerit.

A *

Deinde

Si secuta proles.

In dubio damni.

CVRAS

Deinde adolescens nullum habuit animum tam immanem summan soluendi, aut se obstringendi: sed fecit hanc syngrapham ad eius petitionem, vt posset eius amoribus frui; vt ipse testatur.

Nec in foro externo, aliquid exigit potest. Primo, Quia facilè probari potest fundamentum totum falso esse. Vnde enim illa meretricula tantum pecunia, nimurum 1500. aureos Gallicos (tantum enim dicitur mutualis adolescenti) habuisset? & cur illam pecuniam non voluisset sibi restituiri, nisi in euentu quo non procederet matrimonium? Denique, cum ipsa illi litem intentarit ad obtinendum eius matrimonium, cur nullam huius mutui mentionem fecit, sed solum petiat à Iudice, vt quo casu illam non esset ducturus, condemnetur in poena 1500. aureorum sibi ab illo promissorum? vbi manifestè detegitur mutui figuramentum. Nihil quoque obtinuit, præterquam quod duabus sententijs conformibus ab eius matrimonio repulsa fuerit.

Secundo, Quia minor non potest se validè obligare absque Curatoris auctoritate, vt ex multis Iuribus constat l. 3. & 5. Cod. De in integrum Refitut. min. Et si in aliquo contratu Iesus sit, potest uti beneficio restitutionis in integrum. Et si non soluerit, potest petentem submouere exceptione minoris etatis. Atqui in ista promissione enormis laesio continetur.

Tertio, Etiam si verum esset illum accepisse pecuniam istam mutuam (quod tamen constat esse falso) tamen non tenetur solvere beneficio legis: quia nihil ex ea pecunia in rem eius conuersum, sed tota in luxum & lasciviam effusa fuit.

I.2. C. De filio familiaris.

CASVS III.

Laurentius dedit Marie spem matrimonij, & eo modo impetravit usuram corporis. Deinde cum iuramento id ei promisit absolute. Postea tamen coram patre & matre Maria dixit se contentum illam ducere, si posset id fieri cum bona parentum suorum gratia. Denique solemniter cum illa contraxit sponsalia coram Parocho.

QUÆRITVR Primo, An Laurentius tenetur, & possit cogi Mariam ducere?

QUÆRITVR Secundo, An possit Laurentius ut suis parentibus satisficiat, differre matrimonium ad triennium? Et quo pacto impediri possit ne aliam ducat?

A D Primum: Respondeo, Non videatur dubium quin Laurentius tenetur, & possit cogi Mariam ducere. Primo, Quia hoc ipso, quo ab illa impetravit usuram corporis, potest & debet cogi per Iudicem (querelâ ad eum delata) vt eam ducat, etiam si nulla promissio interuenisset: vt patet ex cap. 1. de Adulterijs, & communiter tradunt Doctores. Vide Couar. de Sponsal. parte 2. cap. 8. §. 8. Secundo, Non solum potest cogi per Iudicem ut eam ducat, sed etiam tenetur in foro conscientiae ante omnem sententiam. Cum enim dedit spem matrimonij, & eo modo impetravit usuram corporis, censetur aliquo modo tacite promisso. Spes enim non datur alteri nisi aliquo modo promittendo, saltem sub aliqua cōditione: ac proinde, nisi res sint valde mutata, tenetur im-

pler. Deinde, quia postea cum iuramento promisit filie absolute, quod illam esset ducetus, à quo iuramento nemo potest illū liberare absque cōsenso filie, sed sub peccato mortali tenetur implere. Nec refert quod postea coram patre & matre filie dixerit se contentum illā ducere, si posset id fieri cum bona parentum suorum gratia, vbi videtur apponere conditionem: quia hanc conditionem antē non apposuit, quando promisit filie absolute cum iurecurando. Præterea tenetur, quia cōtraxit solemniter coram Parocho sponsalia cum illa, & promisit illi nuptias absolute, nulla addita conditione de cōsenso parentum suorum. Nec refert quod postea talē conditionē addiderit: quia contractu absolute semel inito, fas non est ex interūllo aliquam conditionem vel restrictionem apponere inuita parte, vt docet Couar. lib. 1. Variat. cap. 14. Idem habetur expressè L. Perfecta, C. De donat. quā sub modo.

Ex quibus perspicuum est Laurentiū teneri in conscientia Mariam ducere, nec posse ab hoc vinculo à quoquam illā inuitā absoluī.

Ad Secundum: Respōdeo Primo, Quod ad tempus attinet: non tenetur puella expectare triennū; nec parentes Laurentij possunt talē terminū statuere: sed tenetur Laurentius primo quoque tempore iuxta mentem, quam in sua promissione habuit, exequi quod promisit: & ad hoc cogi per Iudicem potest. Omnes enim huiusmodi promissiones nisi aliud expressè caueatur, ita intelligenda sunt, vt censeantur se obligasse ad exequendum primo quoque tempore. Quo modo etiam vota sunt interpretanda.

Nec obstat quod ipse alteri magistro operā addixerit: quia illa obligatio est posterior: vnde nihil circa priorem obligationem mutare potuit. Deinde, quia etiā junctus matrimonio illi obligationi posteriori poterit satisfacere, vt narratur.

Neque refert quod Laurentius dicat se non habuisse intentionē se obligandi: quia id solum videtur dicere de promissione illa solemnē facta coram Parocho: vnde saltē in priori promissione facta puerile sub iurecurando, animum se obligandi habuit. Deinde, etiamsi dicet se nunquam habuisse animum se obligandi, id minimē curandum: quia in foro externo præsumendum contrariū, & omnes huiusmodi fraudes sunt reiciendae: altoqui nihil esset tutum in contratribus humanis, nec societas humana possit subsistere. Itaque nulla ratio habenda talis excusationis. Imò qui talia de se dicit, grauius suum honorem lēdit; quia se impostorem fatetur.

Respondeo Secundo, Modus quo Laurentius impediatur ne aliam vxorē, pendente controvērsia ducat, Mariā, cui honorem abitulit, infami relictā, est varius: Primo, Ut moneatur Episcopus vt sub pena excommunicationis id ei prohibeat, & præcipiat vt expectet finem controvērsie. Secundo, Ut moncautur Parochi ne illum coniungant. Tertio, Ut rogetur Episcopus ne dispensem in proclamationib⁹.

Quod ad parentes Laurentij attinet, ipsi non possunt impedire hoc matrimonium, sed tenentur illud permittere. Quia non possunt impedire ne filius exequatur id, ad quod tenetur.

Possent haec omnia & singula multis Iuribus & rationibus confirmari: sed in re clara non est opus immorari.

CASVS

6
Tenetur
nam duce-
re.

Modus co-
gendi Lau-
rentium,

CASUS IV.

Matri-
monium
de pra-
fenti nul-
lum non
inducit
sponsalia.

Ego N. promitto Domino N. fidem & fidelitatem, iurans per sanctam Trinitatem, per sancta Euangelia, & per locum quem spero in calis, me nunquam alteri nupturam: eumque accepi, & ex nunc accipio in maritum, etiam si nostrum matrimonium intra multis annos non sequatur: si forte eius parentes vel mei, id vellet impedire. Supradicto Nobili, postmodum vehementer panituit hanc pueram facti, & parentes ad modum repugnanti.

QUÆRITVR, An ex hoc contractu maneat ob-
jecta?

Non est hic
matrimoni-
num.

V Trespondeam: Suppono tanquam certum, hunc contractum non efficer matrimonii, quia initus est, ut suppono, absque presentia Parochi & testium, eo loco, ubi Concilium Tridentinum de clandestinis matrimonij, quod habetur sess. 24. cap. 1. est promulgatum.

Sed difficultas est, Vtrum non habeat saltem vim sponsalium. Videtur enim habere: Primo, Quia videtur esse promissio de futuro, quatenus iurat se nunquam alteri nupturam: insinuat igitur tacite promittit se nupturam illi: atqui talis promissio efficit sponsalia, si sit reciproca.

Secundo, Quia confert ipsum matrimonium in tempus futurum, dum ait: Etiam nostrum matrimonium intra multis annos non sequatur, si forte &c: ergo intendit contrahere sponsalia.

Tertio, Quia matrimonium impuberum contractum per verba de presenti, etiam non habeat vim matrimonij, tamen habet vim sponsalium: ut pater Cap. vnicor. De desponsatione Impuberum in 6. quia censentur velle contrahere quantum possunt: ergo similiter hic.

Quarto, Quia omnis promissio, et si per se invalida, si tamen accedit ius iurandum, & res sit talis quæ sine salutis dispendio fieri possit, seruanda est: ut expressè habetur Capit. Quamvis patrum, de Pactis, in 6. hic autem talis est promissio: ergo.

Quintus, Quia partes videntur omni modo voluisse contrahere; unde quedam verba sonant contractum de presenti, quedam de futuro; ut si non valerer uno modo, valerer altero.

He rationes non parum adserunt difficultatis. Vnde pro maiori certitudine putarem inquirendam pueræ mentem: an re vera intenderit omnibus modis se obstringere; an vero solum cogitaverit de matrimonio, & cur illa alia verba addiderit. Si tamen de mente eius constare non possit, & tota res ex ipsis verbis definienda sit, adhuc satis probabile videtur non esse sponsalia.

Primo, Quia per illa verba: Ego promitto domino N. fidem & fidelitatem, iurans &c: (que maximè videntur fauere sponsalibus) videtur tantum

intendisse matrimonium de presenti: quia alioquin illa quæ subiiciuntur, Eumque accepi, & ex nunc accipio in maritum, non possent habere ullam sensum: non enim possunt aliter accipi, quam quod verbis precedentibus intendenter contrahere matrimonium. Itaque illa promissio intelligenda est de fide, & fideliitate maritali. Adiectum iuramentum non habendum alteri, ne sponsus metueret illam receperit a contractu clandestino, qui teibus probari non poterat.

Secundo, Quia illa verba, Eum accepi, & ex nunc accipio in maritum, aptissime significant contractum de presenti, non sponsalia. Nec obstante illa quæ subiiciuntur, etiam nostrum matrimonium intra multis annos non sequatur: quia illa intelligenda sunt de contractu publico & solemni, qui etiamsi matrimonium occulte antea contractum sit, fieri consuevit.

Tertio, Quia quidam DD. docent matrimonium clandestinum ex dispositione Concilij Tridentini ita esse nullum, ut etiam contrahentes intendant se obligare eo modo quo possunt, tamen non habeat vim sponsalium: ed quod contractus exterior sit nullus, & interna intentio sine actu extero valido, non sufficiat ad inducendam obligationem: ita noster Thomas Sanchez vir doctissimus lib. 1. de Matrimonio disp. 20. num. 6. Puto tamen hanc sententiam non esse veram: & quamvis vera esset, non satis bene posse aptari nostro casu: quia non defuncta verba quæ possint significare promissionem de futuro: non tamen nego esse probabilem, etiam in nostro casu.

Quibus omnibus consideratis, probabile iudicio non esse obligationem sponsalium, aut villam aliam, ac profinde pueram illam liberam esse. Valde tamen probare ut agatur cum adolescenti, ut vicim se liberent, & a iuramento absoluant.

Addo, Etiam tenerimus contractum illum habere vim sponsalium; si tamen parentes pueram nullo modo vellent consentire ob imparitatem, & putarentur grauia incommoda secutura ex matrimonio sic iuratis parentibus inito, posset peti dispensationem à Summo Pontifice, iniusto iuvene. Quia quando causa legitima subest, potest Pontifex absoluere à iuramento in præiudicium tertij; ut docet Paludanus in 4. dist. 27. quest. 1. art. 2. conclus. 3. & alij Doctores, præterim cum id præstatum sit à puerâ, iuvene, & multis blanditijs illecta. Imo probabile est tali casu dum grauia incommoda timentur, vt odia, rixæ, iniuriae inter consanguineos sponsorum, vel odia proximorum, & parentum graui & iusta indignatione.

Ita tenet Nauarrus cap. 16. num. 18. Lopez 1. parte cap. 76. Sanchez lib. 1. disp. 14. ubi etiam alios pro hac sententia citat. Nec obstat iuramentum: quia de actu illicito non obligat, quamuis id fiat cum præiudicio tertij.

Ad Primam rationem: Patet responsio ex dicitur. Illud enim iuramentum factum videtur ex suppositione matrimonij, ad reddendum alterum securum. Vnde cum suppositio fuerit falsa, iuramentum concidit: quia actus non operantur ultra intentionem agentium.

Probabile
est clandestinum
matrimonium
non habere
viam sponsalium.

11
Sundetur
ut vicim
sele libere
promissa.

Potest peti
a Pontifice
dispensatio
in iurato
tertia.

Probabile
tamen est
non esse
opus dispensa-
tionis.

12
Solum in
argumen-
ta concre-
ta sensu
via securi-
tatis.

Ad Secundam: Puella hæc non conferit futurum, nisi contractum solennem; sicut olim interdum faciebant qui clandestine contrahebant de præsenti.

Cur matrimonium impuberū potius habet vim sponsalia, quam matrimonium clandestinum.

Ad Tertiam: Neganda est consequentia: est enim dispart ratio. Contractus enim Impuberum per verba de præsenti, habent vim sponsalium; quia sponsalia cœsentur contineri in matrimonio, sicut votum simplex in professione, nisi Ius impe- diat. Hic autem non impediat, sed approbat, & sic illorum contractum interpretatur; vt patet Cap. vniuersitatis de Desponsatione Impuberum in 6. Secus vero est in contractu matrimonij clandestini: nam Ius huius contractui resistit, cum penitus irritum reddens, tanquam noxiū bono communi. Concilium enim Tridentinum sess. 24. cap. 1. De reformatio- nate, non solum huiusmodi contractum prohibet, sed etiam contrahentes ad sic contrahendūm inhabiles reddit: sicut inhabiles, ergo nullus omnino sequitur effectus, nulla obligatio. Præterea, etiam ipsum contractum irritum & nullum de- cernit: at non esset contractus irritus, si haberet vim sponsalium: sicut contractus impuberum de præsenti non est irritus, etiā matrimonium non efficiat. Hanc sententiam tenent multi Auctores qui post Concilium Tridentinum scriperunt, vt Nauarrus, Ledesma, Lopez, & alii, quos citat Thomas Sanchez lib. 1. disp. 20.

Ad Quartam. Iuramentum confirmat quidem promissione futuro: sed hic non est promis- sio de futuro, sed de præsenti; cui Ius omnino res- sistit & irritum reddit, nullam ex eo volens oriri obligationem. Sic qui contraxit matrimonium iniuncto metu compellus, etiam illies iure se contrahere & accipere hanc in coniugem, nihil facit.

Ad Quintam. Patet ex dictis.

CASUS V.

Promis-
sio matri-
monij sub
conditio-
ne copu-
lae.

*Adolescens Belga Nobilis obtinuit copulam car-
nalem Puelle imparis conditionis Parisijs, sub
promissione matrimonij.*

QVAERITVR, An illo actu censendus sit con-
summisse matrimonium?

¹³
*Cen-
seretur
huc pro-
missio
suisse facta
& summa-
lata.*

A Dolescens ille duobus modis se tueri pos- test, quod illo actu matrimonium non consummarit. Primò, Quia non præsumitur ex animo, sed ficte & simulatè promissio matrimonij, ad obtinendam solum viraram corporis. Quod præsumi potest, tum ex imparitate conditionis, tum quia clanculum absque consueta solemnitate inter amores hæc promissio facta. Vnde non est præsumendum quod eam cognoscendo voluerit consummare matrimonium, ne videlicet fornican- da peccaret. Sic passim Doctores ante Concilium Tridentinum cùm valerent matrimonia clandestina, & sponsalia vera transibant in matrimonium per copulam carnalem, docent ex imparitate conditionis, cùm promittitur matrimonium sub conditione copulae, præsumi verum animum contrahendi defuisse, & ita promissionem non transire in matrimonium per copulam: imò nec tam cogi posse ut puellam ducat. Quæ doctrina communiter recepta hæc omnino locum habere videtur.

Secundò, Se tueri potest, quia matrimonia clandestina saltem ab anno 1602. Parisijs habita Clandestina fuerunt irrita, vt in adiunctis narratur ex responsu primarij Doctoris Domini De Val. Si habita fuerit irrita, re vera sunt irrita. Nam id est habita sunt Parisijs irrita, quia ab eo tempore receptum fuit decretum sunnitaria, A. 1602. Concilij: tunc enim in omnibus parochijs decre- tum illud fuit promulgatum, vt hic narratur: & non solum ab eo tempore matrimonia clandestina fuerunt irrita iudicata. Nec obstat quod alia quædam au- thoritate regia fuerint addita, v. g. de consensu parentum habendo, &c. quia Ville per inutile non debet vitari: fuit enim ha plane diuerse leges, qua- rum altera non penderat altera.

Dices, Illam promulgationem non factam fui- se auctoritate Ordinarij, sed regia, que in re spi- rituali non potest vim legi dare. *Quemodo possit laicis auctoritate regia fuisse addita?*

Respondeo. Primò, Regem non promulgasse eius pro- illud decretum tanquam suam ordinationem, sed leges Ecclesiæ sua auctoritate præcipiat seruari. Vnde id fecit tanquam instrumentum Ecclesiæ, & cum expre- so vel tacito Ordinarij consensu. Et quamvis potest laicis auctoritate regia fuisse addita in materia spi- rituali imponere obligationem subditis, potest ta- men cum cōsensu expresso vel tacito Ecclesia statuere penas transgressoribus legum Ecclesiæ: & ad hoc valet promulgatio auctoritate laica facta.

Respondeo Secundò, Etiam si promulgatio il- lius decreti non pertineret ad Regem, nec eam consensu Ecclesiæ fecisse præsumeretur, sufficit Promulga- tamen illud decretum communiter esse receptum in singulis parochijs: receptione enim supplet vi- cem promulgationis. Non enim requirit Conci- lium promulgationem in singulis parochijs tan- quam essentialiter necessariam ad obligationem, sed ut decretum ad omnium notitiam possit de- uenire, nec quenquam possit laterē, ut expre- cap. illo primo, sessione 24, dicitur. Et quamvis statuat ut huiusmodi decretum in unaquaque pa- rochia suum robur post triginta dies habere incipi- piat, à die prime publicationis in eadem parochia facta numerandos; non tamen id est negat absque tali publicatione per receptionem & viam vim habere posse. Cur enim vellet excludere modum illum inducendæ obligationis communem omni- bus legibus? Sic leges Imperiorum etiam si re- quirant promulgationem in provinciā, tamen si contingat illas recipi in provincia ante illam pro- mulgationem, haud dubiè obligabunt. Vnde si post illam promulgationem in S. Germani, de qua D. Bouchier, receptum suisset hoc decretum in omnibus parochijs tanquam promulgatum in singulis, verè ex eo tempore vim habuisset. Ve- rū non suisset receptum indicat D. De Val, qui dicit Sorbonam iudicasse matrimonia clandestina valida usque ad annum 1602.

CASUS VI.

An Virgo emissione voti simplicis Castitatis, posuit se soluere obligatione sponsalium sim- plicum de futuro?

E Tsi Dominatio Tua facile possit ex Auctori- bus qui circumferuntur, dubitationem pro- positam soluere: tamen quia placuit ad me mitte- re, respondebo breuiter.

Sentio

Sentio itaque Virginem illam posse se soluere obligatione sponsalium simplicium de futuro, per votum simplex castitatis. Ita enim sentiunt magni Auctores: Angel. V. Sponsal. n. 40. Sexius decimus, inquit, (scilicet casus quo soluuntur sponsalia) propter votum castitatis postea factum: ut in Cap. Veniens, Qui Cler. vel videntes, secundum unum intellectum, citat pro eadem sententiâ Directorium, & Ioannem And. in Cap. De illis, de Sponsalibus. Eadem sententiam ut probabilem tenet Richardus in 4. dist. 27. In tertio principali. qu. 4. §. Decimus, Dominicus Soto in 4. dist. 27. quæst. 2. art. 5. sic ait: Vtrum per votum castitatis dirimantur sponsalia, disputari solet: attamen in dubium vocari non debet quo minus tale votum sit licitum, atque adeo sponsalia dirimens, cum sit melioris frugis, que exceptio semper in sponsalibus implicatur. vide sequentia. Omitto Recentiores, qui passim hanc sententiâ sequuntur. Eadem sententia colligitur ex D. Thoma in Addit. quæst. 53. art. 1. ad 1. Propter votum, inquit, simplex sponsalia sunt dirimenda. & Siluerter Verbo Sponsalia, num. 10.

Itaque censeo securè permitti posse isti Virginis ut votum castitatis, in seculo manens, emittrat; & sic se ab obligatione sponsalium simplicium liberet.

C A S V S VII.

Titius magna vir nobilitatis, multo tempore inescatus amoribus puella inferioris conditoris, vultum ea inire matrimonium, sed planè clanculum ob graues causas. Quare petit secum dispensari in proclamationibus, & ut coram ignotis testibus & Religioso aliquo Sacerdote liceat contrahere.

QUÆRITVR, An validè & licite talis dispensatio indulgeri possit?

R Espondeo, Dubium non esse quin matrimonium secundum formam propositam contractum, sit validum: non enim requiritur ut testes norint eos qui contracturi sunt, neque ut proclamations fiant: & ex parte Sacerdotis assistentis sufficit ut ei sit facta potestas ab Illustrissimo Domino Nuntio, vel Archiepiscopo, quorum iurisdictioni uestique, vel saltem alter contrahentium subest.

Sed dubitari merito potest, Vtrum expedit huicmodi potestatem dari, & tale matrimonium permitti. Sanè si res generatim consideretur, videtur id pericolosum. Primo, Quia si vir iste velut malignè agere, poterit postea, quando libuerit, cum alia matrimonio publicè contrahere, & negare priorem coniugem: quia testibus de priore contractu coniuncti non potest, cum illum non noverint. Nec Sacerdos ille Religiosus poterit solus se illi opponere, neque forte, si posset, id expedire. Secundo, Quia verendum ne nascatur scandalum: putabut enim passim esse concubina. imò si quid amici intellexerint, debebit ipsem dicere esse concubinam, quia nolet fateri uxorem. Tertio, Proli fieri iniuria, quia non poterit succedere, & habebitur illegitima.

Hinc tamen non obstantibus, puto in particulari eas posse circumstantias concurrere, ut expedit huicmodi matrimonium permittere, & potestatem dare Sacerdoti ut illi assistat: vt si vir ille nobilis ita esset amoribus istius puellæ implicatus ut

non speretur posse ab ea auelli; & alias crebrò in periculo mortis, & consequenter æternæ damnationis verfaretur, nulloque modo expediret amicis tale matrimonium innoscere. Hoc sanè evenit charitas videtur postulare ut ei talis modus contrahendi permittatur ne pereat; quia cum hic modus non sit ex se malus, ratione circumstantiarum poterit fieri ut omnino sit licitus & expediens, quales circumstantiae videntur esse, quas proposui. Confirmatur, quia Ecclesia ob salutem animarum sèpè dispensat in voto castitatis perpetua & reliquias, quod sanè longè maius est & difficilius.

Ad Primum incommodum: Non est præsumendum illum velle malignè agere, quia aliq; causa multæ possunt incidere cur ita contrahere velit. Ad Secundum: Non erit scandalum si occulere ad eam accedat. Ad Tertium: Cauere seu prouidere debet aliquo scripto, ut constet polte liberos suis legitos, & ut eam portionem conseruantur, quæ iure debebitur.

TESTAMENTUM.

C A S V S I.

Titius Martia necessaria heredi sua reliquit testamentum bona sua cum onere, visu vel Religione ingrediatur, vel calibatum colat, Legataria tantu[m] sit, & certa summa contenta, reliqua vero distribuantur in pias causas.

QUÆRITVR, Virum hoc testamentum censerit posse validum?

R Espondeo, Expensis verbis huius testamenti: Primo, Misi videtur hoc testamentum esse irritum. quia Titius Martiam suam neptem, non insitum loco patris sui succedere debet ut hæres, non instituit hæredem prout iure debebat; sed si colat calibatum, vel ingrediatur religionem priuat illam iure hæredis, & ex hæredie vult esse legatariam, & contentam mille florenis. hoc autem facere non potest. Vnde hoc testamentum est irritum duplice nomine: Primo, Quia in casu presenti quo Martia colit castitatem in seculo, vel si ingrediatur religionem, testamentum hoc caret institutione hæredis. Secundo, Quia ipsa representans proprium & unicum filium Titij, suum parentem, non instituit hæres, sed excludit hæreditatem, & iubet esse contenta certa summa ut legataria, hoc autem testamentum reddit irritum. Nec sufficit, quod relinquat ei per modum legati aut donationis, vel alio modo, quod legibus ei erat debitum: ut expressè habetur Authent. Ut cum de appellatione cognoscitur §. Aliud quoque capitulum, item ex Authent. Non licet, & Authent. Ex causa, C. De liberis præteritis.

Secondo, Etiam si ponemus ipsum testamentum hac ex parte non esse inuidum (quod ramen non putamus:) tamen certum est ei deberi tertiam partem bonorum, iure communis debitam: neque posse illam minui ob religionis ingressum, vel calibatum in seculo, ex omnium Doctorum sententiâ. vnde ipsa ad eius supplementum agere potest. Neque notabilis summa pecunie que patri eius data fuit, in hac legitimâ cōputanda est, cum illa à Titio in eum finem data non fuerit, vt suppono. Legitima enim censenda tertia pars bonorum tempore mortis inuentorum,

Quenam censenda legitima.

A * iii quando

Electio
Sacerdotis qui
matrimoniū affi-
stāt.

17
Dispensa-
cio hec est
valida.

**Sei regn-
larier
illucia.**

18
Circum-
scriptio
quædam
possunt eā
sacerdoti licen-
tiam.